

200 pendemo anti-ISA untuk minggu ketiga
MalaysiaKini.com
15 Julai, 2012
Oleh S Pathmawathy

Kira-kira 200 orang berkumpul di pusat tahanan Akta Keselamatan Dalam Negeri (ISA) di Kamunting, Perak hari ini untuk minggu ketiga berturut-turut bagi menuntut pembebasan 45 tahanan terakhir.

Penyelaras Gerakan Mansuhkan ISA Syukri Abdul Razab berkata, kehadiran pada awalnya dijangka sehingga 500 orang jika tidak kerana sekatan jalan raya yang dilakukan polis.

Katanya, perhimpunan yang bermula jam 11 pagi itu berlangsung hampir dua jam sebelum diikuti lawatan anggota keluarga tahanan.

Menurutnya lagi, perhimpunan itu turut disertai anggota dan penyokong PAS sekitar Perak.

"Kami berjaya membawa kumpulan besar kerana mereka (PAS) menyertai. Jika tidak kerana sekatan jalan raya, angka ini akan jauh lebih besar," katanya kepada Malaysiakini.

Seramai 45 orang, termasuk 25 warganegara asing masih ditahan di kem Kamunting atas pelbagai alasan termasuk penyeludupan manusia, aktiviti keganasan dan pemalsuan dokumen.